

LEIRE SARASOLA AUZMENDI

A Maila | Olerkia | aipamen saria

Kaixo! Leire Sarasola Auzmendi naiz eta 16 urte ditut. Aurtengoan batxilergoko lehenengo maila egiten ari naiz Txindoki Institutuan. Nire zaletasun gustukoenen artean musika eta idaztea daude. Ondorengo olerkian, emozio bat ardatz hartu eta hura hitzez hitz azaleratu nahi izan dut, bukaerara arte irakurleari gaia zein den ezagutarazi gabe, modu enigmatikoan, pentsatzera bultzatuz. Ea gustukoa duzuen!



UBEL URDINDU ZEIHARRA

UBEL URDINDU ZEIHARRA

Beltzez tindatu zenituen zuriak ziruditenak.

Ziztadatzat hartu zenituen

ehunak lotzeko ziren orratzak.

Betiereko agurtzat,

gero arte batez amaitutako gutuna.

Beltzez tindatu zenituen zuriak ziruditenak.

Oldarkortasunez egin zenion uko tinta gorriz idatziriko egunerokoari,

ez zenuen gorrian pasioa ikusten jakin.

Uko, hasteko aukera zen paper zuriari,

buruhaustea besterik ez baitzen zure begientzat.

Beltzez tindatu zenituen zuriak ziruditenak.

Niretzat sinonimoak zirenak,

antonimoak ziren zuretzat.

Ez zenuen melodia tristenetan sinisten,

nahigabea zen zuretzat,

niretzat, ordea, esperantza.

Zuk labirintoetan galtzeko aukera ikusten zenuenean,

nik aurkitzeko gogoz bilaketan nirauean.

Bilatu zaitut gaurik ilunenetan.

Aurkitu nahi izan zaitut,

zuk uzten ez zenidanetan.

Aurkitu zaitut azkenean.

Josi ditut ehunak, ziztadak saihestuz.

Ziur nago gutuna ez dela betiereko agurra.

Letra gorridun egunerokoa pasioa da,

paper zuria hasiera, besterik ez.

Eta melodia tristenek dakarten itxaropenez bilatu zaitut gau ilunetan,

aurkitu zaitudan arte.

Zeu zara.

Nire nahiak geldiarazten dituen mamua, mehatxua.

Maiz, nire gogoaren kontra joatera behartu izan nauzuna.

Begiak estaltzea derrigortu zenidana.

Zeu zara.

Izarrik gabeko gauetan agertzen zinena,

ametsik gozoenak garraztu zenizkidana.

Inoiz, aurpegiratu nahiko nizekizuke zenbait zauri.

Zenidake nizukerekin trukatu nuke,

eta zeunden nozitu beharrean,

nengoen oihukatuko nuke.

Zure presentzia, ordea, handiegia zen.

Nuke hura ere ez zen erreal, zuk zenukelako.

Ubeldua zinen nire azalean,

ubel

urdindu

zeiharra.

Beldurra.